

## التسمم الغذائي

الموضوع ديال البرنامج ديالنا اليوم ماشي منتوج أولا مادة كانستهلكوها ولكن عندو علاقة كبيرة مع الإستهلاك. اليوم غادي نتكلمو على التسمم الغذائي و على بعض الأمور اللي خاصني ولا بد نحترمها قبل و من بعد.

ختارينا هاد الموضوع ديال التسمم الغذائي لأن الإحصائيات كاتقول فالبلاد ديالنا من 2006 حتى 2009 تقريبا تسجيلات 1250 حالة. نشوفو علاش هاد الرقم غادي و كايتراد. غادي نتكلمو على السرعة و الأمور اللي تغيرت. قبل كنا كاناكلو الأمور طرية فالدار ديالنا ولكن مع السرعة ولينا كانشريو الحاجة واجدة. و عارفين كانقولها فالبرنامج ديالنا دائما نقراو التاريخ ديال الصلاحية. ولكن واخا نقرا تاريخ الصلاحية تاخصني نحترم واحد الحاجة مهمة. هاديك الحاجة اللي شريت هي مسدودة و مكتوب عليها بأن كاتصبر و هي مسدودة شهرين، أما إلا تفتحت و راه كاتبين تحت منها يلاه كاتصبر أسبوع، و مع السرعة ماكاندوهاش فيها و هاهو الخطر. نخليو الزنقة و السرعة، بعض المرات حتى فالدار ديالنا كانقولها ف البرنامج ديالنا كايمنك ليا نتعرض لأسباب و التسمم الغذائي، كفاش؟ متلا الكونجياتور عندي فالدار، سافرت 3 أيام و لا 4 أيام و رجعت، فداك الوقت تطفى الضوء لمدة 12 الساعة متلا و عاودتاني شعل، أنا ما فخباريش و هكذا السلسلة ديال التبريد تهرست و الباكتريات كترت و المرض قرب ليا اللي يحفظ.

من بين المنتوجات اللي يمكن تسبب ليا التسمم الغذائي: غادي نتكلم على الحليب و المشتقات ديالو، الحوت، فواكه البحر، على كل حال بغينا نغولو بأن هاد المنتوجات كلها فالبلاد ديالنا واجدة إوا ناكلها طرية.

نتكلمو دابا على واحد المركز الصحي اللي العمل ديالو و الدور ديال يتتبع عمليات التسمم. الحالة الأولى إلا يلاه وقع التسمم كانتصلو به باش كايبرشدنا. أما التسمم إلا تشافينا منو الحمد لله، كانعاودو نتصلو به باش نغولها لهم و هكذا هم كايعرفو السبب ديال التسمم الغذائي و كايعلمو الجهات المختصة. و رقم الهاتف ديال هاد المركز الصحي ها هو غادي يتكتب قدامي باش هكدا كيف گلنا واخا نتشافو نعلموه باش هكدا يحمي المواطنين. و هادشي كلو إلا گلنو غير باش تستهلك بلا ما تهلك.